

LE ROSAIRE DE NOTRE DAME  
AU MOYEN AGE.



**D**OULCE DAME de miséricorde, Mère de pitié, fontaine de tous biens, qui portastes nostre Seigneur Jhesu Crist IX mois en vos flans et l'alaictastes de vos douces mamelles, belle très douce Dame, je vous cry merci et vous prie que par vous vueille vostre Fils qu'il me donne en telle manière vivre en ceste siècle que je puisse avoir vraye confession et repentance de tous péchés que oncques ay fais. Ainsi, Dame, vous le priérés et je m'agenouilleray XV fois devant votre ymaige en disant Ave Maria.

MYSTÈRES DE LIESSE.



I. O très douce Dame, pour icelle grant joye que vous eustes quant l'ange Gabriel vous vint dire les nouvelles que vous deviez concevoir le Sauveur de tout le monde, douce Dame, priés qu'il veuille venir en moi espirituellement.

II. O très douce Dame, pour icelle grant joye que vous eustes quant vous alastes à la montaigne visiter saïcte Elizabeth vostre cousine et elle vous dit q vous estiés benoïste et q le fruit de votre ventre estoit benoïst, douce Dame, priés ce benoïst fruit qu'il me vueille rassazier.

III. O très douce Dame, pour icelle grant joye que vous eustes au jour de Noel, quant il nasquit de vous, douce